



ILLVSTRISSIMIS AC GENEROSISSIMIS
DOMINIS,

Dn. JOANNI OXENSTIRN,
Axelij Filio, Comiti in Södermöhre, Baroni in
Kymitho, Domino in Fyholm, Hornigs-
holm & Tyllegarn, Reg. Majest. ac Regni Sue-
ciae Confiliario, Legatoq; Plenipotentiaro in
Germania Pacis Tractatibus destinato.

**Dn. CAROLO GUSTAVO
WRANGEL,** Domino in Schogclo-
ster & Rostorp, Reg. Majest. & Regni Sueciae
Confil. Generali militiae Duci & Marefchallo.

Dn. GUSTAVO HORN,
Eberhardi Filio, Domino in Kanckas, Porca-
la, &c. Reg. Majest. & Regni Sueciae Generali
Exercitus Majori.

Illustrissimi ac Generosissimi Domini.

M Editatus sum multoties, *Illustr. Excell. Exc.
Excell. V. V. V. in arduo illo pacis procreanda
negotio à Serenissima ac Potentissima Regina Coronag,
Suecia Vobis imposito, felicitatem ac successum à Deo
vovere ac precari, sed deterruerunt me hactenus vestra
sublimitas, meaq; tenuitas. Vtrumque tandem sudmovit vestra huma-
nitas.*

DEDICATIO.

nitias. Humanitas, inquam, quæ mihi, præterquam quod ex genere indoleg, propria eluceat, sufficienter ac peculiariter perspecta est. De genere nihil hic attinet dicere, utpote quod nulli Europæ tractui ignotum. Vt præteream Sueciam ac Finnoniam vobis natales, vidit Germania virtutes magni illius AXELII OXENSTIRN, Regni Cancellarij, Legatiquæ Regij, à Rege primi. Admirata est Polonia, Livonia, Dania, Prussia Virtutes VVRANGELIORVM. Præcipue militia Marefchalli p. m. Parentis tui Illustrissime VVRANGELI. Experta est virtutes HORNIORVM funesta Parenti tuo Generosissime HORNII Moscovia seu Ingermannia, imò Polonia, Livonia, Germania ac tandem Dania. Marefchallorum enim vices etiam ab Atavis ad Parentem p. m. & Patruum militia Marefchallum illum in Germania ac Livonia (ubi nunc Governatorem agit) ob virtutes celeberrimum, Dominum meum, quasi iure hereditario sunt devolutæ. Virtutes hæ Majorum in filiis eo sunt celebriores, quo magis Virtutes propriae iis superstructæ emicant. De his autem utpote ob oculos versantibus, malo tacuisse, quam lumen solis candela illustrasse. Juvenilia tamen ut saltem attingam: admiratus sum non raro Illustrissime Comes, avidissimum illum studendi conatum, quod, cum Parisiis degeres, vel cœnâ jejunos noctes multas insomnes studiis impenderis. Nec sine successu. Etenim desiderium quomodo expleveris, arduum hoc pacis componenda negotium Illustr. Exc. tuæ inprimis commissum largiter testari poterit. Labet & specimē juvenile recēdere: Quum Academia Anglicana Catabrigiensis ac Oxoniensis certatim Illustr. Excell. tuam unacum HORNII Excell. solemniter susciperent, honores, quibus Magnatibus gratulari solent, magisterij scil. honorem vel sponte vobis offerrēt, unanimiq; civium Academicorum applausu solemnissimè conferrent, ipsemet, non sine omnium applausu, doctâ oratione non præmeditatus, respondebas.

Ad Illustr. Exc. tuam Illustrissime VVRANGELI, nec minus miratus sum ingenium tuum singulare, in linguis variis ac inprimis in artibus mathematicis exercitatissimum, quod tum Lugduni Bata. tum in itinere communi Anglicano-Gallico, tum in Gallia per tempus conspexi ac observavi. Hoc tuum ingenium in tantum accevit, ut summi militia Ducis ac Generalis Marefchalli, honores ac vices promeruerit.

Tandē ad Excell. tuam Illustr. HORNII; nec minus lingua varia,

DEDICATIO.

Finnonica, Suecica, Germanica, Gallica, quin etiam Latina ac Italica te decorant, ut sileam artes itidem mathematicas Fortificationem ut vocant, atq; exercitia moresq; qua Nobilitatis summa sunt ornamenta. Miratus quoq; sum multoties indolem ac animum tuum generosum, cujus specimina quinquennij spacio observavi, quo meo usus es servitio, meq; itineru ac peregrinationis ex Finlandia per Daniam, Germaniam inferiorem, Galliam, Angliam, Germaniam, comitem adoptasti. Sed quorsum haec omnia? Ut inde de humanitate Illustr. Exc. Exc. Exc. V. V. V. constet. Humanitas enim virtutum reliquarum fulcrum ac basis merito habetur. Hac igitur nixus audaciam subeo vos Viri Illustrissimi ac Generosissimi, gravissimis licet negotiis intricatos, compellandi. Inprimis quoq; me movit singularis vester in me favor, beneficiaque in me affatim cumulata. Eapropter ut aggrediar qua meditatius sum haecenus, ambigo equidem, quum jam rumor percrebruerit, de pace praelo ultimo ut dicitur subiecta, utrum praferam, votum ne successus in componendis, an gratulationem de compositis. Vtrumq; meditor: Faxit DEVS, omnia vergant ad nominis sui gloriam, Ecclesiae suae stabilimentum, animarūq; salutem ac emolumentum. Sed ne litera haec incanescens abirent, adjungi comitem, quem submisit vobis offerro ac confesco, librarium hunc partum meum non-meum. Non meum sed Quercetani, quoad scripta prima ab ipso frustulatim, confuse & in multis obscurè edita: Meum quoad coordinationem, amputationem, illustrationem ac auctiorem. Scopus hujus est componere dissidium medicum, quod maximopere intercedit inter Hermeticos ac Dogmaticos. Faxit itidem Deus, bono auspicio. Paxq; in Politicis, pax & in medicis (condonate muscam leoni comparem) erigatur, stabiliatur, fulciatur. Suscipite igitur Illustrissimi Patroni monumentum hoc chartaceum, de pace in partu jam constituta, Illustr. Exc. Exc. Exc. V. V. V. elevatum, meque patrocinio ac favori vestro ulteriori commendatum patiamini. Dabam e Mnsæo, ipso die Gustavi qui est 23. Martij: Francofurti Imperial. Anno 1648.

Illustr. Excell. Excell. Excell. V. V. V.

Devotissimu.

Joan. Schröderus, Med. D.

AD